

სამონადირეო მეურნეობა

„ფაუნა“

მართვის გეგმა

2023 წელი

ა) სამონადირეო მეურნეობის მართვის მიზნები, ამოცანები და განვითარების სტრატეგია

წინამდებარე მართვის გეგმა შემუშავებულია ტერიტორიის ეკოლოგიური და ბიოლოგიურ-ეკონომიკური ექსპერტიზის პრინციპით და აგებულია ეკოლოგიური, სამართლებრივი და ეკონომიკური პარამეტრების შესწავლის და პროგნოზირების მეთოდებზე დაყრდნობით.

გეგმა ითვალისწინებს სამეურნეო და რეკრიაციული გამოყენებისათვის განკუთვნილი მართვადი ეკოსისტემის ორგანიზაციასა და გაძლიერებას.

სამონადირეო მეურნეობის განვითარების სტრატეგია გამიზნულია ტერიტორიის ბიო-ეკონომიკური პოტენციალის ეფაქტური გამოყენებისათვის, რომლის ძირითად არსებ წარმოადგენს სისტემური მიღების პრინციპი – სამონადირეო ბუნებათსარგებლობა განხორციელდეს ეკოსისტემის კომპონენტების თანაზომიერებისა და ურთიერთკავშირების შენარჩუნებითა და მდგრადი განვითარებით.

სამონადირეო მეურნეობის გაძლიერების ეკონომიკური პარამეტრები დაფუძნებულია საგარეულების გრძელვადიანი, სტაბილური ბიოლოგიური და სამეურნეო პროდუქტიულობის უზრუნველყოფის პრინციპზე, რომლის ძირითადი მიზანია სტაბილური ყოველწლიური შემოსავლის მიღება. ბუნებრივი ეკოსისტემა, როგორც ნებისმიერი სისტემა, მიისწრაფვის შინაგანი მდგრადობისაკენ, წონასწორობისაკენ, ჩვენს შემთხვევაში ბალანსისაკენ. აღნიშნული წინაპირობიდან გამომდინარე, სამონადირეო-სამეურნეო საქმიანობა უნდა წარიმართოს ეკოლოგიური ბალანსის შესანარჩუნებლად და ამის ხარჯზე მიიღოს მაქსიმალური ეკონომიკური სარგებელი. მართვადი ეკოსისტემის გაძლიერის მთვარი არსი არის სისტემური მიღები, რომელიც გულისხმობს სამონადირეო-სამეურნეო საქმიანობის ისეთი ფორმითა და რესურსით გაძლიერებას, როდესაც შენარჩუნდება ბუნებრივი ბალანსი. მართვის გეგმაში მოცემული საკითხები და ქმედებები დაგეგმილია აღნიშნულის მისაღწევად.

სამონადირეო მეურნეობის ტერიტორიაზე გამოიყოფა სპეციალური სანადირო უბნები, რათა ერთ სახეობაზე ნადირობის პროცესში მინიმალური უარყოფითი ზემოქმედება იქონიოს სხვა სახეობის ცხოველზე.

ნადირობის პროცესს სამონადირეო მეურნეობაში აქვს დამატებითი სელექციური ფუნქცია. ამ ღონისძიების მეშვეობით რეგულირდება ცხოველთა რიცხოვნობა, ასაკობრივი და სქესობრივი შეფარდება, ხდება ხელოვნური გადარჩევა ფიზიკური და მორფო-ფიზიოლოგიური ნიშან-თვისებების მიხედვით.

**ბ) სამონადირეო მეურნეობისლიცენზიით
განსაზღვრული ტერიტორიის ფიზიკურ-გეოგრაფიული
და ბიო-ეკოლოგიური დახასიათება**

სამონადირეო მეურნეობისათვის გამოყოფილი ფართობი განთავსებულია ლაგოდების რაიონში ალაზნისა და აფენის სატყეოების ტერიტორიაზე, რომელიც მოიცავს **აფენის სატყეოს №10-20** კვარტლებს და ალაზნის სატყეოს №1-13, 15-21, 23 კვარტლებს. იგი მდებარეობს მდ. ალაზნის მარცხნიან სანაპიროზე და მოიცავს: ალაზნის ჭალებს, აკაციის ხელოვნურ ნარგავებს და ჭალიდან დაშორებულ ტყის ნაკვეთებს, რომელთაც სასოფლო-სამეურნეო მინდვრები ესაზღვრება.

სამონადირეო მეურნეობისათვის გამოყოფილი ტერიტორია მიეკუთვნება პალეოარქტიკული ქვემსარის გოლარქტიკის ხმელთაშუა ზღვის ზონას. გიასომეტრული ნიშნულები არ აჭარბებენ ზღვის დონიდან 300 მეტრს. თავისი გეოგრაფიული მდებარეობის წყალობით ის წარმოადგენს მრავალი სახეობის ნადირის მიგრაციის მნიშვნელოვან გზას. ტყიანი და მოშიშვლებული ფართობების მოზაიკური განლაგება განსაზღვრავს ცხოველთა და მცენარეთა სამყაროს მრავალფეროვნებას. მათი თანაფარდობისა და სტრუქტურის შენარჩუნება ყველაზე მნიშვნელოვანია ნადირობის ობიექტებისათვის.

მეურნეობის ტერიტორია მოქცეულია შემდეგ გეოგრაფიულ ორიენტირებს შორის: დასავლეთით სოფ. კარდენახის მიწები, ჩრდილოეთით – სოფ. გიორგეთის მიწები, აღმოსავლეთით – წნორილაგოდების გზატკეცილი და სამხრეთით – მდ. ალაზანი.

სავარგულები განლაგებულია შემდეგ გეოგრაფიულ კოორდინატებში: 46-02-N41-44E.

სამონადირეო მეურნეობის საზღვრების წვეროების X და Y კოორდინატები არებული UTMკოორდინატთა სისიტემაში:

- 1) 579410.542 უკიდურესი დასავლეთის კოორდინატები (მეტრებში)
4622462.405
- 2) 590383.823 უკიდურესი აღმოსავლეთის კოორდინატები (მეტრებში)
4615558.358
- 3) 588130.607 უკიდურესი ჩრდილოეთის კოორდინატები (მეტრებში)
4626996.217
- 4) 587740.534 უკიდურესი სამხრეთის კოორდინატები (მეტრებში)
4613672.297

სამონადირეო მეურნეობის ტერიტორიის ფართობი შეადგენს **4069 ჰექტარს.**

მანძილი სამონადირეო მეურნეობიდან თბილისამდე 135კმ-ია, უახლოეს დასახლებულ პუნქტამდე – 15კმ, ლაგოდეხამდე – 25 კმ.

მცენარეული საფარის დახასიათება

სამონადირეო მეურნეობაში ჭალის ტყებს დაკავებული აქვთ მდ. ალაზნის ტერასები. მთავარი შემქმნელი სახეობებია: ხვალო, ოფი, ლაფანი-Pterocarya pterocarpa(შეტანილია საქართველოს „წითელ

ნუსხაში“), ჭალის მუხა-*Cuercus pedunculiflora* (შეტანილია საქართველოს „წითელ ნუსხაში“), კაქლის ხე - *Juglans regia*(შეტანილია საქართველოს „წითელ ნუსხაში“), ბრტყელი ტირიფი, ჩვეულებრივი სორგო, პასტუხოვის სურო, ღვედკეცი, ეკალდიჭი, კატაბარდა, სვია, რუსული მაყვალი, ცრუ აკაცია(თეთრი აკაცია). ასევე განვითარებულია მეორადი წარმოშობის ტიპები: ჯაგრცხილიანი, რცხილნარ-მუხნარი, ბევრგან კი ძეგვნარი. ტყეთა არეში სშირია ჭალბები ჭალის მცენარეულობით.

უშუალოდ მდ. ალაზნის სიახლოვეს ტყე შედარებით კარგად არის შემორჩენილი, რადგან უფრო დაშორებულია დასახლებული პუნქტებისგან, თუმცა რამოდენიმე ადგილას აქაც ინტენსიური ძოვება მიმდინარეობს.

სამონადირეო მეურნეობის ტერიტორიაზე არსებული ტყის შემორჩენილი მუხა (Quercus pedunculiflora) გაბატონებული ჯიშია, იგი შეტანილია საქართველოს „წითელ ნუსხაში“ და ძირითადად გავრცელებულია მდინარე ალაზნის მიმდებარე ფართობებებზე.

სამონადირეო მეურნეობის ტერიტორიაზე არსებული ტყის მცენარეულობის ნუსხა

ქართული სახელწოდება	ლათინური სახელწოდება
სვია	<i>Humulus lupulus</i>
რცხილა	<i>Carpinus caucasica</i>
ვერხვი	<i>Populus tremula</i>
ჭალის მუხა	<i>Quercus pedunculiflora</i>
ცრუაკაცია	<i>Acacia pseudoacacia</i>
კატაბარდა	<i>Clematis vitalba</i>
ღვედკეცი	<i>Periploca graeca</i>
ეკალდიჭი	<i>Smilax excelsa</i>
რუსული მაყვალი	<i>Rubus fruticosus</i>
ტყემალი	<i>Prunus divaricata</i>
ჯაგრცხილა	<i>Carpinus orientalis</i>
ჩვეულებრივი სორგო	<i>Sorghum vulgare</i>
პასტუხოვის სურო	<i>Hedera pastuchowii</i>
ბრტყელი ტირიფი	<i>Salix pentandra</i>
ჭალის ვერხვი, ხვალო	<i>Populus hybrida</i>
ოფი	<i>Populus nigra</i>
ლაფანი	<i>Pterocarya pterocarpa</i>
კაქლის ხე	<i>Juglans regia</i>

საქართველოს “წითელი ნუსხით” დაცული მცენარეები

N ^o ციფრი	მცენარეთა დასახელება		მახასიათებლები		მოტლე დახასიათება	
	ქართული	ლათინური	იყვანები	ენდემი	იოვგონი	გამოვლენა
1	ჭალის მუხა	<i>Quercus pedunculiflora</i>		+		
2	ლაფანი	<i>Pterocarya pterocarpa</i>				
3	კაბლის ხე	<i>Juglans regia</i>				

**სამონადირეო მეურნეობის ტერიტორიაზე ბინადრობენ ჭალის
ტყისათვის დამახასიათებელი ტიპური გარეული ცხოველები**

ძუძუმწოვრები

1	ევროპული ზღარბი	<i>Erinaceus europaeus</i>
2	გარეული ღორი	<i>Sus scrofa</i>
3	ევროპული კურდღელი	<i>Lepus europaeus</i>
4	ჩია ლამურა	<i>Pipistellus pipistellus</i>
5	ჯუჯა ლამურა	<i>Pipistellus pygmaeus</i>
6	ტყის თაგვი	<i>Apodemus sylvaticus</i>
7	მინდვრის თაგვი	<i>Apodemus agrarius</i>
8	საზოგადოებრივი მემინდვრია	<i>Microtus socialis</i>
9	ბუჩქნარის მემინდვრია	<i>Microtus majori</i>
10	ჩვეულებრივი მემინდვრია	<i>Microtus arvalis</i>
11	წყლის მემინდვრია	<i>Arvicola terrestris</i>
12	მგელი	<i>Canis lupus</i>
13	ტურა	<i>Canis aureus</i>
14	მელა	<i>Vulpes vulpes</i>
15	ენობი	<i>Procyon lotor</i>

16	თეთრყელა კვერნა	<i>Martes foina</i>
17	დედოფალა	<i>Mustela nivalis</i>
18	მაჩვი	<i>Meles meles</i>
19	წავი(„წითელი ნუსხა“)	<i>Lutra lutra</i>
20	ტყის კატა	<i>Felis silvestris</i>
21	შველი	<i>Capreolus capreolus</i>

ფრინველები

1	გარეული იხვი	<i>Anas platyrhynchos</i>
2	გვიძინი	<i>Columba oenas</i>
3	ალკუნი	<i>Alcedo atthis</i>
5	ჩვეულებრივი კაკაჩა	<i>Buteo buteo</i>
6	მიმინო	<i>Accipiter nisus</i>
7	ქორი	<i>Accipiter gentilis</i>
9	ძერა	<i>Milvus migrans</i>
10	კაჭკაჭი	<i>Pica pica</i>
11	მწყერი	<i>Coturnix coturnix</i>
12	კოლხური ხოხობი	<i>Phasianus colchicus</i>
13	რუხი წერო(„წითელი ნუსხა“)	<i>Grus grus</i>
14	ტყის ქათამი	<i>Scolopax rusticola</i>
15	ქედანი	<i>Columba palumbus</i>
16	გუგული	<i>Cuculus canorus</i>
17	ზარნაშო	<i>Bubo bubo</i>
19	რუხი ბუ	<i>Strix aluco</i>
20	შავი კოდალა	<i>Driocopus martius</i>
21	მწვანე კოდალა	<i>Picus viridis</i>
22	დიდი ჭრელი კოდალა	<i>Dendrocopos major</i>
23	მცირე ჭრელი კოდალა	<i>Dendrocopos minor</i>
24	სირიული კოდალა	<i>Dendrocopos siriacus</i>
25	ჩიბუხა	<i>Gallinago gallinago</i>
26	კვირიონი	<i>Merops apiaster</i>
27	ოფოფი	<i>Upupa epops</i>
28	დიდი მურტალა	<i>Podiceps cristatus</i>
29	მცირე ჩვამა	<i>Phalacrocorax pygmeus</i>
30	ჩვეულებრივი ცოცია	<i>Sitta europaea</i>

31	დიდი თეთრი ყანჩა	<i>Egretta alba</i>
32	ყორანი	<i>Corvus corax</i>
33	ჩხიკვი	<i>Garrulus glandarius</i>
34	ჩხართვი	<i>Turbus viscivorus</i>
35	შაშვი	<i>Turbus merula</i>
36	ლაქო	<i>Lanius collurio</i>
37	ბეღურა	<i>Passer montanus</i>
38	ტოროლა	<i>Galerida cristata</i>
39	დიდი წიგწიგა	<i>Parus major</i>
40	რუხი ბატი	<i>Anser anser</i>
41	თეთრშუბლა ბატი	<i>Anser albifrons</i>
42	წითელი იხვი(„წით. ნუსხა“)	<i>Tadorna ferruginea</i>
43	სტვენია	<i>Pyrrhula pyrrhula</i>
44	კუდსადგისა იხვი	<i>Anas acuta</i>
45	რუხი იხვი	<i>Anas trepera</i>
46	წითელთავა ყვინთია	<i>Aythya ferina</i>

რეპტილიები

1	გველხოკერა	<i>Pseudopodus apodus</i>
2	ჩვეულებრივი ანკარა	<i>Natrix natrix</i>
3	წყლის ანკარა	<i>Natrix feselola</i>
4	ჭაობის კუ	<i>Emus orbicularis</i>
5	კასპიური კუ	<i>Mauremys caspica</i>
6	გველბრუცა	<i>Typhlops vermicularis</i>
7	მარდი ხვლიკი	<i>Lacerta agilis</i>
8	საშუალო ხვლიკი	<i>Lacerta media</i>
9	ზოლებიანი ხვლიკი	<i>Lacerta praticola</i>
10	წენგოსფერი მცურავი	<i>Coluber najadum</i>
11	ყვითელმუცელა მცურავი	<i>Coluber jugularis</i>
12	ჭრელი მცურავი	<i>Coluber ravergerieri</i>
13	ესკულაპის გველი	<i>Elaphe longissima</i>

ამფიბიები

1	გომბეჯო	<i>Bufo bufo</i>
2	ტბის ბაყაყი	<i>Rana ridibunda</i>

3	ჩვეულებრივი ვასაკა	<i>Hyla arborea</i>
---	--------------------	---------------------

თევზები

1	ლოქო	<i>Silurus glanis</i>
2	მტკვრის ნაფოტა	<i>Rutilus rutilus caspicus</i>
3	კავკასიური ქაშაპი	<i>Leuciscus cephalus</i>
4	მტკვრის წვერა	<i>Barbus lacerta cyri</i>
5	მტკვრის ციმორი	<i>Gobio persa</i>
6	ხრამული	<i>Varicorhinus capoeta</i>
7	ჭანარი	<i>Barbus capito</i>
8	მურწა	<i>Barbus mursa</i>
9	შამაია	<i>Cholcalburnus chalcooides</i>
10	მტკვრის თაღლითა	<i>Alburnus filippi</i>
11	ამიერკავკასიური კაპარჭინა	<i>Abramis brama orientalis</i>
13	კავკასიური დორჯო	<i>Gobius cephalarges</i>
14	აღმოსავლური ფრიტა	<i>Alburnus bipunctatus</i>
15	კარჩხანა	<i>Carasius carasius</i>
16	კობრი	<i>Cyprinus carpio</i>
17	კასპიის ვიმბა	<i>Vimba vimba</i>

ჩამოთვლილი თევზები გავრცელებულია ტერიტორიაზე არსებულ ყველა მდინარეში, რადგან განეკუთვნებიან ალაზნის აუზს.

საქართველოს „წითელ ნუსხაში“ შეტანილ ცხოველთა სახეობების მდგრმარეობის შეფასება

საქართველოს „წითელ ნუსხაში“ ზემოთ ჩამოთვლილი ძუძუმწოვრებიდან ჩვენს სარგებლობაში გადმოცემულ ტერიტორიაზე ფიქსირდება წავი – *Lutra lutra*, რომელის რიცხოვნობა 2022 წლის მონაცემებით აღწევს 17 ინდივიდს, ე.ი. 2008 წელთან შედარებით 4 ინდივიდითაა გაზრდილი, რაც გვაძლევს იმის იმედს, რომ წავს პერსპექტივაში ამ ტერიტორიაზე გადაშენების საფრთხე არ ემუქრება. იგი ბინადრობს მდინარე ალაზნის გასწვრივ პირველ და მეორე სტრატეგიულ ტევზებით, ბაყაფებით, კიბოსნაირებით, ჭიებით, ფრინველებით და მათი მართვებით.

ფრინველებიდან ფიქსირდება რუხი წერო – *Grus grus* და წითელი იხვი – *Tadorna ferruginea*. ეს სახობები მიეკუთვნებიან გადამფრენ ფრინველებს (რომლებმაც შეიძლება არც კი გადაიფრინონ ყოველ

სეზონზე). მათზე ნადირობა არ წარმოებს და მათი უსაფრთხოება დაცულია.

სამონადირეო მეურნეობაში არსებული ყველა სახეობა დაცულია ბრაკონიერებისგან, მათი ოპტიმალური რიცხოვნობის შესანარჩუნებლად ტარდება შესაბამისი ბიოტექნიკური ღონისძიებები „წითელ ნუსხაში“ შეტანილი სახეობა გამრავლების პერიოდში განსაკუთრებული ყურადღების ქვეშ იმყოფება, რათა ხმაურმა და სხვა უარყოფითმა გარემოებებმა არ დაარღვიოს მისი ბიოლოგიური ციკლი. ასევე შევასდება პოპულაციის მდგომარეობა. ფორსმაჟორული სიტუაციის შემთხვევაში ეცნობება შესაბამის სამსახურს.

გ) სანადირო ცხოველების საბინადრო პირობების შეფასება

№	სახეობის ქართული და ლათინური სახელწოდება	შესაფერისი საბინადრო საგარეულების ფართობების შემადგენ.	სულ ფართობი	სახეობის სტატუსი
1.	კოლხური ხოხობი – Phasianus colchicus	მთელ ტერიტორიაზე	4069 ჰა	ნად. ობ.
2.	მაჩვი – Meles meles	მთელ ტერიტორიაზე	4069 ჰა	ნად. ობ.
3.	ენოტი – Procyon lotor	მთელ ტერიტორიაზე	4069 ჰა	„-----“
4.	მგელი – Canis lupus	მთელ ტერიტორიაზე	4069 ჰა	„-----“
5.	ტურა – Canis aureus	მთელ ტერიტორიაზე	4069 ჰა	„-----“
6.	მელა – Vulpes vulpes	მთელ ტერიტორიაზე	4069 ჰა	„-----“
7.	ტყის კატა – Felis silvestris	რცხილნარ-ვერხნარებში	800 ჰა	„-----“
8.	გარ. ღორი – Sus scrofa	მუხნარებში	1300 ჰა	„-----“
9.	შველი – Capreolus capreolus	მუხნარ-ვერხნარებში	1100 ჰა	ნად. ობ.
10.	კურდღლელი – Lepus europaeus	ტყის ნაპირებთან, ბუჩქნარებში	1035 ჰა	ნად. ობ.

სამონადირეო საგარეულების ტიპების ექსპლიკაცია

№	ჰაბიტატის ტიპი	ფართობი (ჰა)	%
1.	მუხნარები	1300	31
2.	მუხნარ-ვერხნარები	1100	27
3.	რცხილნარ-ვერხნარები	900	22
4.	აკაციები	500	12

5.	ლაფანი	200	6
6.	კაპლის ხე	40	1
7.	ბუჩქნარები	30	0.9
8.	სულ	4069	100

დ) სანადირო ცხოველების რესურსის შეფასება

სამონადირეო მეურნეობის ტერიტორიაზე გარეული ნადირ-ფრინველის სახეობრივი სიმდიდრე განპირობებულია მისი ადგილმდებარეობით და ძირითადში წარმოდგენილია ჭალის ტყის ფაუნით.

შველი – ძირითადში წიფლნარი ტყეების ბინადარია, ზაფხულობით იწევს ტყის ზედა ზოლში, ხოლო ზამთრობით ეშვება ჭალის მუხნარ-ვერხვნარებამდე.

ჭურდლელი – ბინადრობს ჭალისპირა საგარგულებში და ბუჩქნარებში.

მგელი – ბინადრობს საგარგულების მთელ ფართობში, გააჩნია საბუნავე ადგილები.

მელა – ითვისებს საგარგულების მთელ ფართობს, ძირითადად ტყე-ველიანის მობინადრეა.

მაჩვი – ძირითდად ბინადრობს ჭალისპირა თხმელნარ-ვერხვნარებში და პანტიანებში. გავრცელებულია მთელ ტერიტორიაზე.

ენოტი – ინტროდუქცირებული სახეობაა, ითვისებს ჭალისპირა ტყეებსა და პანტიანებს. გავრცელებულია მთელ ტერიტორიაზე.

ტურა – ბინადრობს ჭალისა და მთის ძირების ტყეებში, ბუჩქნარებში და წყალსატევების ახლოს ლერწმიანებში. გავრცელებულია მთელ ტერიტორიაზე.

ტყის კატა – ბინადრობს დაბლობებსა და შერეულ ტყეებში, კერძოდ, რცხილნარ-ვერხვნარებში.

გარეული დორი – ტყის ტიპიური ბინადარია, მაგრამ ველზეც გადის და ამ დოროს დიდი მანძილით შორდება ტყეს. ხშირად შედის კულტურულ ლანდშაფტებში. ბოლოს თავშესაფარებლად ბრუნდება მუხნარებში.

კოლხური ხოხობი – გავრცელებულია მდინარეთა ჭალებში, ასევე ბუჩქნარებში. მოიცავს მთელ ტერიტორიას.

**სანადირო ცხოველების დასახლების სიმჭიდროვე და მათი
პოტენციური ოპტიმალური რიცხოვნობა**

ცხრილი №1

Nº	ცხოველის სახეობა	პოტენციური ოპტიმალური რიცხოვნობა	არსებუ ლი რიცხოვ- ნობა	არსებული დასახლების სიმჭიდროვე 1000 ჰა-ზე
1	ენოტი	0	150	36,8
2	ტურა	10	130	32
3	მელა	10	5	1,2
4	მგელი	2	7	1,7
5	კოლხური ხოხობი	700	200	49
6	გარეული დორი	750	70	53,8
7	შველი	70	15	1,6
8	კურდღელი	100	50	48
9	ტყის კატა	40	45	56
10	მაჩვი	60	40	9,8

**სანადირო ცხოველების დაცვა, აღწარმოება და სამეურნეო
გამოყენება. ბიოტექნიკური ღონისძიებები მათი შენარჩუნების,
გამრავლების, განსახლების და საბინადრო პირობების ხარისხის
გაუმჯობებისათვის**

სამონდირეო მეურნეობაში სანადირო ცხოველების დაცვის,
შენარჩუნების, აღწარმოებისა და სამეურნეო
გამოყენებისათვის, მეურნეობის მიერ მოხდება მტაცებელ ცხოველთა
რიცხოვნობის რეგულირება, რათა მოხდეს ჩლიქოსნების და
ფრინველთა რიცხოვნობის ზრდა, აგრეთვე დაგეგმილია დამატებითი
ხელშემწყობი ღონისძიებების ჩატარება, კერძოდ საბინადრო
პირობების გაუმჯობესება გარეული ღორის, შველის, კურდღლის და
მაჩვის რიცხოვნობის გაზრდისთვის. ბიოტექნიკური ღონისძიებების
კომპლექსი განისაზღვრება ცხოველთა სახეობრივი სიმდიდრისა და
რიცხოვნობიდან გამომდინარე, რისთვისაც საჭიროა
თანმიმდევრულად შესრულდეს ქვემოთ ჩამოთვლილი ქმედებანი:

პირველი რიგის ამოცანები:

სამონადირეო მეურნეობის ტერიტორიაზე მობინადრე აბორიგენი
სახეობის ნადირ-ფრინველის სახეობრივი სიმდიდრისა და
რიცხოვნობის დადგენა;

1. საბინადრო პირობების გაუმჯობესება და ოფიციალური ხელშეწყობა;
 2. ნადირ-ფრინველის ხელოვნური მოშენება;
 3. სახეობრივი სიმდიდრის გაზრდა.
 4. სამონადირეო მეურნეობისინფრასტრუქტურის მოწყობა.
- მეორე რიგის ამოცანები:**
5. სანადირო ცხოველების რიცხოვნობის ოპტიმალური დონის მიღწევა და შენარჩუნება.
 6. მოპოვების ნორმების დადგენა, ბიოლოგიური და სამურნეო პროდუქტულობის განსაზღვრა;
 7. ნადირობის პროცესის ორგანიზაცია.
 8. გარეული ცხოველების (როგორც სანადირო, ასევე წითელი ნუსხის), დაცვის, გადარჩენის და ოფიციალური განხორციელება.

სანადირო ცხოველების შეყვანისა და განსახლებისათვის სავარგულებელი ტარდება ბიოტექნიკური ღონისძიებების ცალკე კომპლექსი –სავარგულების მომზადება ცხოველთა ადაპტაციისათვის.

სამონადირეო მეურნეობის პრაქტიკაში ყველაზე მეტად ამართლებს ხელოვნური საბინადრო სტაციების – რემიზების მოწყობა, ისინი იქმნება ველური კულტურების გამოყენებით, და სავარგულებელი ან ტყის ველობებში და ასრულებს ერთდროულად თავშესაფრის და საკვებული მინდვრების ფუნქციას.

რემიზებისა ან ბუნებრივ საადაპტაციო სტაციების ირგვლივ ეწყობა საკვებული მინდვრები, საკვებული მოედნები და წერტილები, სამარილებები, სარწყულებლები(იხილეთთავი ზ) ცხოველთა დაცვისა და ოფიციალური ღონისძიებები. გვ.18).

ვოლიერები იხსნება საღამოთი – შებინდებისას, ან დილით – გამთენისას. ამ შემთხვევაში დაუშვებელია ცხოველების იმულებით გამოდევნა ვოლიერებიდან, დაფრთხობა ან სხვა ფორმით შეწუხება. ცხოველები საკარანტინო პერიოდში ეჩვევიან ვოლიერის პირობებს, მიაჩნიათ ის სამედო თავშესაფრად და უჭირთ მისი დატოვება და უცნობ პირობებში გასვლა. სავარგულებელი გაშვებული ცხოველები ვოლიერებს უბრუნდებიან ორი კვირიდან ექვს თვემდე დროის განმავლობაში, რისთვისაც პირველ დღეებში აქ ისევ ეძლევათ საკვების სრული ულუფა, ხოლო 10 – 30 დღის შემდეგ ეს ულუფა მცირდება. ერთი თვის შემდეგ, როდესაც გარეული ცხოველები შექმნებიან საადაპტაციო სტაციებში კვებასა და დასვენებას, ვოლიერებში საკვების მიცემა მთლიანად წყდება, ხოლო კიდევ ერთი თვის შემდეგ ვოლიერებში შესასვლელები იკეტება. ამით გარეული ცხოველები იძულებული ხდებიან შეეგუონ საადაპტაციო სტაციებში დღე-დამურ ბინადრობას და იწყებენ სრულფასოვან არსებობას.

სამონადირეო მეურნეობის ტერიტორიაზე ასევე გაკეთებული გვაქვს კოლეური ხოხის საშენი, სადაც მოწყობილია სადედე ჯგუფებისთვისათვის თვალის საბუდარი, შემდგომში იგეგმება აღნიშნული საშენის გაფართოება 10 ერთეულამდე.

ზემოთ აღნიშნულ ცხოველებზე ყოველწლიურად ტარდება მონიტორინგი, რომელის წარდგენა ხდება გარემოს ეროვნულ სააგენტოში შემოდგომობით(ოქტომბრამდე), ხოლო გაზაფხულზე (1 აპრილიდან 1 მაისამდე) გარემოსდაცვითი ზედამხედველობის დეპარტამენტს წარდგინება ანგარიშგება, სადაც მითითებულია თითოეული ინდივიდის რიცხოვნობადინამიკაში (წლების მიხედვით).

**სამონადირეო მეურნეობის ეკონომიკური პოტენციალი,
შესაძლებელი მოპოვების კვოტები.**

სამონადირეო მეურნეობის ფუნქციონირების წინაპირობა ეკონომიკური თვალსაზრისით არის სავარგულების სტაბილური, ყოველწლიური ბიოლოგიური და სამეურნეო პროდუქტიულობა, მისი ეკოლოგიური და ბიო-ეკონომიკური ექსპერტიზის მონაცემთა საფუძველზე დგინდება მეურნეობის ეკონომიკური პოტენციალი და დინამიკის პროგნოზირება.ეკონომიკური ეფექტის მისაღწევად საჭიროა განისაზღვროს ოპტიმალური ფართობი, გარეულ ცხოველთა რაოდენობა, დრო და აქედან გამომდინარე დადგინდეს ინვესტიციების მოცულობა.

ყოველწლიურად, ნადიორობის სეზონის დაწყების წინ დგინდება სანადირო ცხოველების მოპოვების რიცხვი. ქვემოთ მოყვანილი ცხრილი შედგენილია 2022 წლის მონაცემებით.

ცხრილი №2

Nº	ცხოველის სახეობა	წლიურ ი მოპოვე ბის კვოტა%	წლიური მოპოვების ოდენობა
1.	ენობი	100	განუსაზ.
2.	ტურა	40-60	25
3.	მელა	40-60	4
4.	მგელი	40-90	4
5.	ხოხობი	20-80	40
6.	გარეული ღორი	10-60	7
7.	შეელი	5-10	5
8.	კურდღელი	40-80	10
9.	ტყის კატა	20-30	6
10	მაჩვი	15-30	4

ე) სამონადირეო მეურნეობის ტერიტორიის ზონირება

სამონადირეო მეურნეობის ტერიტორიაზე ეკოლოგიური უსაფრთხოებისა და წონასწორობის შენარჩუნების მიზნით სავარგულების საერთო ფართობის 25%-მდე უნდა განეკუთვნოს მიზნობრივ ტერიტორიულ ერთეულებს. სამონადირეო მეურნეობის ტერიტორიის ძირითადი ნაწილი – 75%, გარდა შიდასამეურნეო ტერიტორიული მიზნობრივი ერთეულებისა განკუთვნილია ნადირობის პროცესის ჩასატარებლად.

ნადირობა სამონადირეო მეურნეობის სავარგულებში ხორციელდება კანონით დადგენილი წესით, საქმიანობის გაძლიერებისა და ცხოველთა მოპოვებაზე მიღებული ლიცენზიების პირობების განუხერელი დაცვით.

სამონადირეო მეურნეობის ტერიტორია, შიდასამეურნეო დანიშნულების მიხედვით დაყოფილია შემდეგ ერთეულებად:

ადგენეთილი – სამონადირეო მეურნეობის ტერიტორიის ის ნაწილი, რომელიც გამოიყოფა გარეული ნადირ-ფრინველის ოპტიმალური რიცხოვნობის ადგენის და მათი გამრავლებისათვის ხელსაყრელი პირობების შესაქმნელად. აქ მთელი წლის განმავლობაში აკრძალულია ნადირობა და სანადირო ძალების შეყვანა.

ადწარმოების უბანი – სამონადირეო მეურნეობის ტერიტორიის ის ნაწილი, რომელიც გამოიყოფა გარეული ნადირ-ფრინველის ბუდობის, გამრავლების და ნამატის მიღებისა და გამოზრდისათვის ხელსაყრელ უბნებში. აქაც მთელი წლის განმავლობაში აკრძალულია ძალების შეყვანა.

ნადირ-ფრინველის საშენი – სამონადირეო მეურნეობის ტერიტორიის ის ნაწილი, სადაც ვოლიერულ ან ნახევრად ვოლიერულ პირობებში ინახება გარეული ნადირ-ფრინველის სადედე სულადობა მთელი წლის განმავლობაში. აქვე ხდება ნამატის მიღება და გამოზრდა.

სანადირო უბანი – სამონადირეო მეურნეობის ტერიტორიის ის ნაწილი, სადაც უშუალოდ ხდება იმ ნადირ-ფრინველის მოპოვება, რომელზედაც ნადირობა ნებადართულია ლიცენზიით.

ადგენეთილი მოიცავს ალაზნის სატყეოს №13-150ჰა, №15-78ჰა, №19-228ჰა, №20-78ჰა, №21-242ჰა, და №23-155ჰა კვარტლებს და მისი ფართობი შეადგენს 931 ჰექტარს.

ადწარმოების უბანი მოიცავს აფენის სატყეოს №11 და ალაზნის სატყეოს №13 კვარტლის ნაწილს. სულ 290 ჰა.

საშენი მოიცავს აფენის სატყეოს №11 კვარტლის 2 ჰექტარს. ასევე ალაზნის სატყეოს №13 კვარტლის 7 ჰა-ს (მასში განთავსებულია გარეული ღორები). ხობის საშენი მოიცავს №13 კვარტლის 1600 კვ.მ.

სანადირო უბანი მოიცავს მეურნეობის დანარჩენ ფართობს და შეადგენს 3770 ჰა-ს.

№10 და №12-20 კვარტლებს;

ალაზნის სატყეოს №1-12 და №16-18 კვარტლებს.

სამონადირეო მეურნეობის დაცვისა და სამეურნეო საქმიანობის ოპერატორიული უზრუნველყოფას ახორციელებს 4 რეინჯერი. ტერიტორია ოპერატორიული დაცვის თვალსაზრისით დაიყო თოს საეგერო სამცველოდ:

1.აფენის, 2.ალაზნის I, 3.ალაზნის II, 4.კაბლის სამცველოებად.
თოთოეულში 4 მცველია, რომლებიც მორიგეობენ 24 საათის
განმავლობაში.

სამონადირეო მეურნეობაში ხორციელდება საზღვრების დემარკაცია
გარეთა პერიმეტრზე და შიდასამეურნეო ტერიტორიული ერთეულების
გამოყოფა. ამისათვის გამოიყენება გამაფრთხილებელი, ამკრძალავი და
გამოყოფი შინაარსის ქქონე წარწერიანი ფირნიშები, რომლებიც
დაიდგმება თვალსაჩინო ადგილებში.

ასეთი ხასიათის ფირნიშებით შესაძლებელი ხდება საკონფლიქტო
სიტუაციების შემცირება და განმუხტვა.

გ) სანადირო ცხოველთა აღრიცხვა და მონიტორინგი

მონიტორინგის მიზანია ვფლობდეთ ინფორმაციას, თუ როგორია
დინამიკაში სახეობათა რიცხოვნობა, რათა კლების ტენდენციის
გამოვლენისთანავე, სასწრაფოდ იქნას მიღებული შესაბამისი ზომები.

საქართველოს მოქმედი კანონმდებლობის შესაბამისად სამონადირეო
მეურნეობაში ტარდება ცხოველთა სამყაროს სისტემატური აღრიცხვა,
ჩატარებული მონიტორინგის მონაცემებზე დაყრდნობით გარემოს დაცვისა
და სოფლის მეურნეობის სამინისტროს წარედგინება შესაბამისი მასალა
სამონადირეო კვოტების დასამტკიცებლად (იხ. ცხრილი №1 და №2
გვ.11,13).

მონიტორინგის ობიექტებია: შველი, კურდდელი, ტყის კატა, წავი
(„წითელი ნუსახა“), ენოტი, ტურა, მელა, მგელი, გარეული ღორი, მაჩვი,
კოლხური ხოხობი.

სანადირო ცხოველების აღრიცხვის, დასახლების სიმჭიდროვისა და
საერთო რიცხოვნობის დასადგენად გამოყენებულ იქნა აღრიცხვის
შერჩევითი მეთოდები, კერძოდ სტრატიფიკაციის მეთოდი. ამისათვის
სამონადირეო მეურნეობის ტერიტორია დაიყო ძირითადად ოთხ სტრატად-
მდინარე ალაზნის მარცხენა ნაპირის სტრატი №1 – 1048 ჰა და №2 – 1248
ჰა; მდ. კაბალის მარჯვნივ მდებარე სტრატი №3 – 897 ჰა და აფენის №4
სტრატი -876 ჰა. სულ – 4069 ჰა.

მონიტორინგი

სამონიტორინგო დაკვირვების ჩატარება და ზოგადად
მონიტორინგის წარმოება ერთ-ერთი მნიშვნელოვანი ღონისძიებაა
სამონადირეო მეურნეობის გაძლიერების საქმეში.

მონიტორინგის ძირითადი მიზანი სანადირო და საქართველოს
“წითელი ნუსახა” შეტანილ ცხოველებზე დაკვირვების წარმოებაა, მათი
მდგრმარეობის დაფიქსირების, საფრთხეების და გამრავლების
ხელშემშლელი ფაქტორების გამოვლენის და სათანადო
რეკომენდაციების შემუშავების მიზნით. შემდგომში კი უნდა მოხდეს ამ
რეკომენდაციების საფუძველზე შესაბამისი ღონისძიებების
განხორციელება.

მონიტორინგის ობიექტები, როგორც ადინიშნა სანადირო და საქართველოს “წითელ ნუსხაში” შეტანილი ცხოველებია, რომლებიც ბინადრობენ სამონადირეო მეურნეობის ტერიტორიაზე. მონიტორინგული დაკვირვებები უნდა წარმოებდეს აგრეთვე ამ სახეობების საბინადრო გარემოს მდგომარეობაზე, ბიოტენიკური ღონისძიებების ჩატარების ეფექტურობაზე, დაავადებების გავრცელებაზე და სხვა ფაქტორებზე, რომლებიც მნიშვნელოვანია ცხოველთა გამრავლებისა და აღწარმოებისათვის, ასევე მათთვის ხელსაყრელი გარემოს შექმნისათვის.

სამონადირეო მეურნეობის გაძლოლის პრაქტიკაში აუცილებელ ღონისძიებას წარმოადგენს საგარეულის მდგომარეობის მუდმივი და პერიოდული კონტროლი. უწყვეტი მონიტორინგი ხორციელდება სეზონური ფენოლოგიური დაკვირვების და აღწერის ხერხით. მონიტორინგი უნდა განხორციელდეს მკვეთრად დაზუსტებულ პერიოდში ერთი და იგივე მარშრუტის შემოვლით, რათა ნადირობისმცოდნის ან მცველის მიერ არა მარტო დათვალიერებული, არამედ გამოვლენილიც იყოს რაიმე მნიშვნელოვანი მოვლენა ან ფაქტები. იქნება ეს მტაცებლის მიერ რომელიმე ცხოველის დაზიანების, ბუდის ან სოროს ნგრევის, ექსტრემალური სიტუაციების ან უკანონო ქმედების ფაქტები. მონიტორინგის მნიშვნელოვანი მომენტია ფიტოპათოლოგიური გამოკვლევების ჩატარების ეფექტურობის დადგენა და ხანძარსაშიში კერების დროული გამოვლენა, თუმცა ტერიტორიის ხშირი დატბორვის გამო ხანძრის წარმოქმნის საშიშროება მინიმუმამდეა დაყვანილი.

ქვემოთ მოცემული მონიტორინგის გეგმის მიხედვით ხორციელდება ყოველწლიური მონიტორინგი. თუმცა მას დაემატება ის სამონიტორინგო საკითხები, რომლებიც სამონადირეო მეურნეობის წარმოების შემდგომ ეტაპზე იქნება განსახორციელებელი, ან საკითხის დამატების საჭიროება გამოვლინდება საქმიანობისას, როგორიცაა მაგალითად გარეული ცხოველების სამონადირეო მეურნეობის ტერიტორიაზე რეინტროდუქცია ან რესტოკინგი.ამ შემთხვევაში მონიტორინგის გეგმაში შეტანილ იქნება სათანადო დამატებები, საქართველოს კანომდებლობის შესაბამისად.

მონიტორინგის გეგმა

გეგმა გათვლილია 10 წელიწადზე. ცვლილებები, თუ შეიქნება ამის საჭიროება, განხორციელდება მოქმედი კანონმდებლობის შესაბამისად.

№	სამონიტორინგე საკითხი	მონიტორინგის პერიოდულობა	შემსრულებელი	რეკომენდაცია/ ქმედება
1	სამონადირეო მეურნეობის ტერიტორიაზე გავრცელებულ სანადირო და საქართველოს “წითელ ნუსხაში” შეტანილ ცხოველთა რიცხოვნობაზე დაკვირვება	წელიწადში 2-ჯერ შემოდგომა-გაზაფხულზე	ნადირობისმცოდნე, მცველი	აღრიცხვების ჩატარება და შედეგების ანალიზი
2	სამონადირეო მეურნეობის ტერიტორიაზე გავრცელებულ სანადირო და საქართველოს “წითელ ნუსხაში” შეტანილ ცხოველთა მდგომარეობაზე დაკვირვება, მათი გამრავლება-განვითარებისათვის ხელშემშლელი ფაქტორების არსებობის დადგენის კეთხით	წელიწადში 2-ჯერ შემოდგომა-გაზაფხულზე	ნადირობისმცოდნე, მცველი	საფრთხეების იდენტიფიკაცია და ასეთის არსებობის შემთხვევაში რეკომენდაციის მომზადება ქმედებების განხორციელებისათვის
3	სამონადირეო მეურნეობის ტერიტორიაზე გავრცელებულ სანადირო ცხოველთა აღწარმოების მიმდინარეობაზე დაკვირვება	წელიწადში 2-ჯერ შემოდგომა-გაზაფხულზე	ნადირობისმცოდნე, მცველი	ეფექტურობის დადგენა და ხელშემშლელი ფაქტორების გამოვლენა
4	სანადირო და საქართველოს “წითელ ნუსხაში” შეტანილ ცხოველთა საბინადრო გარემოს მდგომარეობაზე დაკვირვება პაბიტატების მიხედვით	წელიწადში 2-ჯერ შემოდგომა-გაზაფხულზე	ნადირობისმცოდნე, მცველი	აღდგენის ქმედებები
5	მცენარეთა მავნე დაავადებების არსებობაზე დაკვირვება	პერიოდული (2-ჯერ წელ-ში) შემოდგომა-გაზაფხულზე	მეტყველე სპეც. მცველი	
6	სავარგულის ბიოტექნიკური კეთილმოწყობის მიმდინარეობაზე დაკვირვება	ყოველწლიურად	აგროსპეციალისტი მცველი	
7	ხანძარსაწინააღმდეგო ქმედებების ეფექტურობაზე დაკვირვება	სეზონურად შემოდგომით	მცველი მეტყველე სპეც.	ხანძარსაშიში კერების დროულად გამოვლენა და გაწმენდა
8	სამონადირეო მეურნეობის ტერიტორიაზე გავრცელებულ სანადირო და საქართველოს “წითელ ნუსხაში” შეტანილ	წელიწადში 2-ჯერ შემოდგომა-გაზაფხულზე	ნადირმობისმცოდნე, ვეტერინარი, მცველი	

	ცხოველთა დაავადებების არსებობაზე და მის აღმოფხვრისათვის განხორციელებულ ქმედებების ეფექტურობაზე დაკვირვება			
9	ცხოველთა ინგაზიური სახეობების რიცხოვნობაზე და ახალი სახეობების გამოჩენაზე დაკვირვება	წელიწადში 2-ჯერ შემოდგომა- გაზაფხულზე	ნადირობისმცოდნე, ვეტერინარი, მცველი	ინგაზიური სახეობების ელიმინაციის ქმედებების განხორციელები- სათვის რეკომენდაციები და ქმედებები
10	ნარჩენების მართვის ეფექტურობაზე დაკვირვება	პერიოდულად	მცველი ნადირობისმცოდნე	

ზ) ცხოველთა დაცვისა და აღწარმოების დონისძიებები

სამონადირეო მეურნეობის სავარგულებში სანადირო ცხოველების შემოყვანა და განსახლება უნდა განხორციელდეს მიზნობრივი შერჩევის გზით.

სანადირო სახეობებისათვის მოწყობილია სპეციალური საშენები. გარეული ღორისთვის აშენებულია 2 საშენი აფენის სატყეოს №11 და ალაზნის სატყეოს №13 კვარტლებში შესაბამისად 2 და 7 ჰექტარზე ხოსტისთვის აშენებულია 1 საშენი ალაზნის სატყეოს №13 კვარტლში 1600მ² ფართობით. მოწყეული ვეტერინარი ცხოველებს სისტემატურად უტარებს ვაჭინაციას, ხოლო ეპიდემიების დროს იდებს განსაკუთრებულ ზომებს.

საშენებიდან პერიოდულად წარმოებს ზრდასრული ინდიკიდების ბუნებაში გაშვება.

სანადირო ცხოველების ოპტიმალური რიცხოვნობის სტაბილურ დონეზე შესანარჩუნებლად და მათ დასამაგრებლად, სამონადირეო მეურნეობაში ყველა სახეობის ნადირ-ფრინველისთვის წინასწარ ხდება სავარგულების მოზადება, ბიოტექნიკური კეთილმოწყობა.

თითოეული სახეობის ცხოველისათვის, მისი დღეგლამური, სეზონური და წლიური ბიოლოგიური რითმის შესაბამისად უნდა შეიქმნას მაღალი ხარისხის საბინადრო პირობები, რათა ისინი დამკვიდრდენ და დამაგრდნენ მეურნეობის სავარგულებში და სტაბილურად მიღებულ იქნას ყოველწლიური ბიოლოგიური და სამეურნეო პროდუქცია.ამისათვის სპეციალურად გამოიყოფა შესაბამისი ადგილები, რომლის მდებარეობაც პერიოდულად იცვლება, რათა არ მოხდეს ნიადაგის გამოფიტვა (ამიტომ არ ვაფიქსირებთ კოორდინატებს).გაზაფხულზე ითესება: სიმინდი, სორგო, ქერი, კარტოფილი, მიწავაშლა, ცოცხი, ბარდა, გოგრა.აღებული მოსავლის დიდი ნაწილის განთავსება ხდება საკვებურებში, ხოლო დანარჩენი

რჩება ადგილებზე, რომელსაც გარეული ცხოველი მოთხოვნილებისამებრ გამოიყენებს. დამატებით წარმოებს თივის ტუკების და ველური მცენარეულობის ნაყოფის შეგროვება და მისი მარაგის შექმნა, რათა მოხდეს მათი შემდგომი განთავსება საკვებურებში.

გარდა საკვებურებისა, ტერიტორიაზე მოწყობილია ასევე სამარილები, სადაც გამოიყენება ქვა-მარილის ნატეხები ან მისი ფხვიერი ნაზავი, კერძოდ:

94% – ქვა მარილი	0,4% – სპილენძის სულფატი
4% – მაგნეზია სულფატი	0,4% – თუთიის სულფატი
0,5% – მაგნეზია თქვიდი	0,2% – რკინის სულფატი
0,4% – მანგანო სულფატი	0,01% – კობალტის სულფატი

სამონადირეო მეურნეობის ტერიტორიაზე სისტემატურად ხდება ინგაზიური სახეობის – ენოტის ელიმინაციის დონისძიების გატარება.

მოქმედი ბუნებრივი და ანთროპოგენური ნეგატიური ფაქტორების და პოტენციური საფრთხეების იდენტიფიკაციის დონისძიებები

რაც შეეხება ბუნებრივ და ანთროპოგენურ საფრთხეებს, დაახლოებით ტერიტორიის 30% ყოველწლიურად იტბორება, მეურნეობას გააჩნია მძიმე ტექნიკა და მისი მეშვეობით ყოველწლიურად ახორციელებს არსებული არხების და მდინარეების კალაპოტებში შექმნილი ხერგილების წმენდას. მეურნეობის პერსონალიარ იშურებს ძალისხმევას, რათა, დროულად აღმოიფხვრას ზემოთ აღნიშნული საფრთხეებით გამოწვეული ნეგატიური შედეგები. მიუხედავად ზემოთ აღნიშნულისა სამონადირეო მეურნეობას დაგეგმილი აქვს სანდარსაწინააღმდეგო საშუალებების შეძენა, ინსტრუქტუალი უტარდება როგორც მეურნეობის თანამშრომლებს, აგრეთვეაღგილობრივ მოსახლეობას და მონადირეებს, რათა ტყეში ყოფნისას დაიცვან სანდრის წარმოშობის საწინააღმდეგო მარტივი წესები.

ლიცენზირებულ ტერიტორიაზე ხორციელდება ტყის მასივების შემოვლა და სისტემატიური კონტროლი. პერიოდულად (გაზაფხულზე და შემოდგომით) ხდება ტყის მასივების სანიტარულ-ეკოლოგიური მდგომარეობის მონიტორინგი და დაავადებათა კერების აღმოჩენის შემთხვევაში დაუყოვნებლივ ეცნობება გარემო დაცვის სამინისტროს შესაბამის სამსახურებს.

თ) ბიომრავალფეროვნების, მათ შორის, ენდემური და რელიქტური სახეობის მაღალი კონსერვაციული ღირებულების ტყის დაცვის დონისძიებები

ლიცენზიით განსაზღვრულ ტერიტორიაზე რელიქტური სახეობის მაღალი კონსერვაციული ღირებულების ტყის მცენარეებიდან გავრცელებულია ლაფანი— *Pterocarya pterocarpa* (შეტანილია საქართველოს „წითელ ნუსხაში“), იგი გავრცელებულია დაახლოებით 400 ჰექტარზე. ჭალის მუხა-*Cuercus pedunculiflora*(შეტანილია საქართველოს „წითელ ნუსხაში“) იგი გავრცელებულია 1400 ჰექტარზე და კაკალის ხე- *Juglans regia* L (შეტანილია საქართველოს „წითელ ნუსხაში“) იგი გავრცელებულია 80 ჰექტარზე, ლაფნის წმინდა კორომები იშვიათია. უფრო ხშირად მდინარის და ნაკადულის ნაპირებზე იზრდება და შერეულია ფოთლოვან ტყეში რცხილასთან და სხვა ფოთლოვნებთან ერთად. მისი დაცვა განსაკუთრებით პრიორიტეტულია ჩვენთვის, მით უფრო, რომ ისედაც მცირე ფართობს მოიცავს. ჭალის მუხა წარმოადგენს ენდემს, იგი გავრცელებულია ტერიტორიის თითქმის მთელ ნაწილზე და შეადგენს მთლიანი ტერიტორიის 28%-ს, რაც შეეხება კაკალის ხეს, იგი უფრო მცირედი ფრაგმენტული სახით არსებობს და უკავია ტერიტორიის 2%.

სამონადირეო მეურნეობის თანამშრომლების მიერ მუდმივად ტარდება, როგორც ზემოთ აღნიშნული ფართობების ასევე მეურნეობის სხვა ფართობების შემოვლა, დათვალიერება. რაიმე უკანონო ქმედების აღმოჩენის შემთხვევაში დაუყოვნებლივ იწერება საველე ოქმები და ეცნობება შესაბამის დაცვის სამსახურების(იხ. შესაბამისი თავები:ტყის დაცვა ხანძრის საშიშროებისაგან დატყის სანიტარული მდგომარეობის გაუმჯობესების დონისძიებები).

ი) ტყის დაცვა ხანძრის საშიშროებისაგან

სამონადირეო მეურნეობის ტერიტორია მთლიანად განეკუთვნება ჭალის ტყეს და ხშირია მისი დატბორვა, ამდენად ხანძრის საშიშროება მაქსიმალურად შემცირებულია. ის განეკუთვნება IV კატეგორიას (იხ. თანდართული რუკა).

მეურნეობის თანამშრომლების მიერ ხორციელდება შემდეგი დონისძიებები:

1. ადგილობრივ მოსახლეობასთან ტყის ხანძრისაგან დაცვაზე საუბრების ჩატარება;
2. ხანძარსაშინააღმდეგო ბილიკების მოვლა;
3. სამეთვალყურეო კოშკებით და ცხენების საშუალებით სალიცენზიო ტერიტორიაზე სისტემატური კონტროლის განხორციელება .
4. ხანძარსაშინააღმდეგო ინვენტარის შეძენა-განახლება;

გ) ტყის სანიტარული მდგომარეობის გაუმჯობესების დონისძიებები

1. გაზაფხული-შემოდგომის პერიოდში მავნებელთა საზამთრო ბუდეებისა და კვერცხების განადგურება;
2. დაავადებული მცენარის დეროზე საჭირო სარტყლებისა და წებოს რგოლების გაკეთება;
3. საჭიროების შემთხვევაში მავნე მწერებისა და მავნე მდრღნელების წინააღმდეგ ბრძოლის ბაქტერიალური მეთოდების გამოყენება (მეთოდებს და პრეპარატს განსაზღვრავს მოწვევული სპეციალისტი).
(ზემოაღნიშნულ დონისძიებებს მოელ ტერიტორიაზე ატარებს სამონადირეო მეურნეობის პერსონალი – მცველები და მეტყველები ტყის ფონდის მართვის უფლების მქონე ორგანოსთან შეთანხმებით).

ლ) ლიცენზიით განსაზღვრული ტერიტორიის დაცვის მექანიზმები (მცველთა რაოდენობა, ტრენინგი, შესაბამისი ნაგებობები)

სამონადირეო მეურნეობას იცავს **4** მცველი, რომლებიც შესაბამისი გრაფიკის მეშვეობით 24 საათის განმავლობაში ახორციელებენ მეურნეობის ტერიტორიის დაცვას. მცველებს ყოველწლიურად უტარდებათ შესაბამისი ტრენინგი.

სამონადირეო მეურნეობას აქვს სასოფლო სამეურნეო ტექნიკა და ასევე მაღალი გამავლობის მანქანები, რომლებითაც ხდება ტერიტორიაზე მცველების გადაადგილება.

სამონადირეო მეურნეობის ტერიტორიაზე განლაგებულია **2** სათვალთვალო კოშკი, მოწყობილია საცხენოსნო, საფეხმავლო ბილიკები და სამანქანო გზები, რომელიც ხელს უწყობს მცველების ოპერატიულად გადაადგილებას და სწრაფ რეაგირებას ნებისმიერი ტიპის დანაშაულზე.

მცველებისთვის გამოყოფილია 3 კოტეჯი, რომლებიც განთავსებულია ალაზნის სატყეოს №8 კვარტლის მე-19 ლიტერში.

მ) ტურიზმის განვითარება

ჩვენი სამონადირეო მეურნეობა 2010 წლიდან სისტემატურად ღებულობს მონაწილეობას საერთაშორისო ტურისტულ გამოფენაში, ვიმედოვნებთ, რომ ჩვენს მიერ წარმოებული სარეკლამო კამპანია, ხელს შეუწყობს სამონადირეო ტურიზმის განვითარებას, რაც გაზრდის მეურნეობის შემოსავლებს.

მომავალისათვის დაგეგმილია უფრო ფართომასშტაბიანი სარეკლამო დონისძიებები, ფორმდება სათანადო ხელშეკრულებები სხვადასხვა ტურისტულ კომპანიებთან.

6) ინფრასტრუქტურის განვითარება:

შესასვლელი გზები გაკეთებულია სოფ. ჰერეთის კარიდან – 2 კმ ინერტული მასალით და აფენიდან – 7 კმ ინერტული მასალით; მდ.კაბლიდან ბადიანთ გორის გავლით მდ. ალაზნამდე – 9 კმ; მდ.კაბლიდან ყოფილი გიორგეთის მიწებამდე – 4 კმ.

შ.კ.ს. „ფაუნა“-მ შიდადა შესასვლელი გზების ინფრასტრუქტურის მოსაწესრიგებლად 2010 წელს აუქციონის წესით შეიძინა ქვიშის კარიერი მდ. კაბალზე.

საოფისედ შეძენილია ფართობი მეურნეობის მიმდებარედ სოფ. ჰერეთის კართან.

კაბალჭესის მიმდებარედ ავაშენეთ კეთილმოწყობილი სასტუმრო 18 კაცზე (ორსართულიანი მანსარდით). აღნიშნული სასტუმრო არაა განთავსებული სალიცენზიონ ფართობზე.

საინფორმაციო ცენტრი განთავსებულია შ.კ.ს. „ფაუნა“-ს თბილისის სათაო ოფისში: **თბილისი, საბურთალოს N5, ტელ.: 599 169 555.**

არსებული შიდა ინფრასტრუქტურა:

ავაშენეთ მონადირის სახლი, დღეის მდგომარეობით მიმდინარეობს მათი კეთილმოწყობა. აღნიშნული სახლები განთავსდნენ სამონადირეო მეურნეობის ტერიტორიაზე შემდეგ კარტლებში:

1. ალაზნის სატყეოს კვ-8, ლიტერი-19 (ყოფილი მონკავშირის ტერიტორია) 3 კოტეჯი;
2. ალაზნის სატყეოს კვ-23, ლიტერი-17 (ეწ. „ჭოტროს ბინა“);
3. აფენის სატყეო კვ-11, ლიტერი-5 (ეწ. „ჭინჭრიანი გორა“)

ვინაიდან მეურნეობის ტერიტორიაზე დენი არ არის აღნიშნული სახლების უზრუნველყოფა ელექტროენერგიით ხორციელდება ავტონომიურად, არასტაციონარი დენის გენერატორებით(Honda-2.2 კვტ. და Rubin-0.95 კვტ.), რაც შეეხებასასმელი წყლით მომარაგებას, იქიდან გამომდინარე რომ ტერიტორიაზე არსებული ჭაბურღილები სასმელად უვარგისია და მოსდევს მძაფრი გოგირდის სუნი და გემო, ტერიტორიაზე არ არსებობს სასმელი წყალი და მისი შემოტანა ხორციელდება თანამშრომლების მიერ ავტონომიურად.

ო) სამონადირეო მეურნეობის ტერიტორიაზე წარმოქმნილი ნარჩენების მართვის საკითხები

ნარჩენების მართვის მიზნით უზრუნველყოფილია სამონადირეო მეურნეობის ტერიტორიაზე დაგროვილი საყოფაცხოვრებო და სხვა სახის ნარჩენების გაუვნებელყოფა და ტერიტორიიდან გატანა, სანიტარულ-ჰიგიენური და ეპიდემიოლოგიური ნორმებისა და წესების დაცვით. არ ხდება ნარჩენების სამონადირეო მეურნეობის ტერიტორიაზე დაყრა-განთვასება და ჩაყრა წყლის ობიექტებში.

მოქმედ წყლის არინების სიტემები, კერძოდ: დამონტაჟდა სპეციალური რეზერვარები სადაც გროვდება მოხმარებული წყალი (ყოველგვარი ჩამდინარე წყალი, როგორიცაა: საშხაპეებიდან, საპირფარეშოებიდან, საკვები ობიექტიდან), რომელიც შემდგომში გატანილ იქნება სპეციალური მანქანებით, ამაზე შესაბამისი ნებართვის მქონე ორგანიზაციის მიერ. სამონადირეო მეურნეობის ტერიტორიაზე დადგმულია სანაგვე ურნები. დაგროვილი ნარჩენები გაიტანება კონტეინერებით ტერიტორიის გარეთ არსებულ ნაგავსაყრელებზე, ამაზე შესაბამისი ნებართვის მქონე ორგანიზაციის მიერ. სამონადირეო მეურნეობის პერსონალს და სტუმრებს მუდმივად უტარდებათ გამაფრთხილებელი საუბრები ტერიტორიის დაბინძურებასთან დაკავშირებით.

პ) ჰიდროლოგიური ქსელი

ტერიტორიის ფარგლებში ალაზანს უერთდება მდინარეები: კაბალი, შავწყალა, აფენი, არეში. ეს მდინარეები გაზაფხულზე და შემოდგომით ხშირად გადმოდის კალაპოტიდან და პრობლემებს უქმნის სამონადირეო მეურნეობაში არსებულ ნადირ-ფრინველს, რომლის აღმოფხვრასაც დიდი ძალისხმევა და ფინანსები სჭირდება. ყოველივე ეს ყოველწლიურად იწვევსტექნიკის სერიოზულ დაზიანებას და ცვეთას, რასაც მიაქვს ფინანსების საკმაო ოდენობა.

ზემოთ აღნიშნული მდგომარეობის გამოსასწორებლად, საჭიროა პრობლემის მიმართ მეტი ყურადღება ადგილობრივი მუნიციპალიტეტიდან, რათა მოხდეს ამ საკითხის განხილვა სახელმწიფოს დონეზე, მით უფრო, რომ ეს აწუხებს ირგვლივ არსებული სოფლების მოსახლეობასაც.

**სალიცენზიო პირობებით გათვალისწინებული
ვალდებულებების შესრულების კონკრეტული გეგმა-
გრაფიკი**

	ვალდებულება/წელი	2023	2024	2025	2026	2027	2028	2029	2030	2031	2032
1.	მართვის გეგმის წარდგენა										
2.	სანადირო სახეობების აღწარმოება										
3.	კილხური ხობის ტერიტორიაზე გაშვება										
4.	სანერგის მოწყობა და ყოველწლიურად ხეების დარგვა- მოვლა										
5.	სახეობათა რეინტროდუქციი ს-თვის მოეწყოს საშენები	საშენე ბი მოწყო ბილია									
6.	განათავსოს ფოტოხაფანგები										
7.	ტერიტორიის გარე პერიმეტრზე განათავსოს ფირნიშები										
8.	განახორციელოს მოპოვებული სანადირო რესურსის ვეტერინალური შემოწმება										
9.	უზრუნველყოს ვებ ან FB გვერდის შექმნა და ფუნქციონირება										
10.	უზრუნველყოს ადგილობრივი მოსახლეობის 80%-ის დასაქმება	დასაქმ ებული ა 90%									
11.	ხანძარსაწინააღმდ ეგო ინვენტარის შეძენა										

12.	სამოყვარულო, სპორტული ნადირობის, შემეცნებითი, რეკრიაციული, სათავგადასავლო და ეკოტურიზმის განვითარების მიზნით განათავსოს შესაბამისი ტურისტული ინფრასტრუქტურ ა	განთავ სებულ ია									
-----	---	-----------------------	--	--	--	--	--	--	--	--	--

შენიშვნა ცხრილის მე-3 პუნქტთან დაკავშირებით:

2010-2018 წლებში სამონადდირეო მეურნეობის ტერიტორიაზე გაშვებულ იქნა 500 ფრთა სუფთა სისიხლის კოლხური ხოხობი. ამავე დროს ხდებოდა ბუნებრივი აღწარმოების ხელშეწყობა. დღეისათვის, ხელოვნური აღწარმოების მიზნით, გარემოს დაცვისა და სოფლის მეურნეობის სამინისტროს ველური ბუნების ეროვნული სააგენტოს საშენიდან ხელოვნური აღწარმოების მიზნით შეძენილი იქნა რამდენიმე ათეული ფრთა კოლხური ხოხობი. იმის გამო, რომ ხოხბებს ვიზუალურად აღმოაჩნდათ საეჭვო ნიშნები, რომელიც გამოიხატება განსხვავებული ფერების გამაში, ასევე მამლების უმეტესობას კისერზე გამოაჩნდათ თეთრი წინწკლები, რაც ეჭქვეშ აყენებს მათ სუფთა სისხლის წარმომავლობას. ამიტომ გადაწყდა აღნიშნული ინდივიდები განთავსებულიყო ვოლიერში.

ვინაიდან, დღეის მდგომარეობით, საქართველოში არ მოიძებნება სუფთა სისხლის კოლხური ხოხობი, გადავწყვიტეთ მათი შემოყვანა მეზობელი ქვეყნებიდან(აზერბაიჯანი, თურქეთი, ირანი). აქედან გამომდინარე მივმართეთ სამინისტროს წერილით, სადაც ვაცხდებთ 5(ხუთი) წლიან მორატორიუმს ნადირობაზე.